

جَزَنَةُ حَكَمَتِ

جمعه ایرتسی

نومرو	صفر الخیر	سنة	عزیران	سنة	صحیفه
۹۸۳	۵	۱۳۱۶	۱۳	۱۳۱۴	۱۴۰۴۵

(اشبو غزنه بهر هفته جمعه ایرتسی کونلری جبقار . منلکی درسعادت ایچونه مجبیره بکرمی غروسه)
 (مسایله التمه غروسدر . طره لر ایچونه اوده بسه غروسه بوسه اصرتی ضم اولنور . بهر)
 (نسخه سی یه مجبیره بکرمی غروسه اولور اوزره بوزبارده لهریده صانیلور . درج اولنه جوهر اعلاناتک)
 (لهر برنده برمجیره اخذ اولنور . منلکه مشتری اولور استیانتلر عدلیه نظارتی دایره مندره کاتمه جبریده)
 (محاکم اداره منه مراجعت ایللملیر)

قسمت سی

توجیهات

عدلیه نظارت جلیله سی محاسبه جیلکی نظارت
 مشار الیها محاسبه قلمی میزنی عزتلو حسن افندی یه
 تقویض بیورلمش . وعلی الاصول امر تحلیفی اجرا
 اولمشدور .

درسعادت بدایت محکمه سی برنجی جزا
 دایره سی اعضا ملازملکی دائرة مذکوره ضبط
 کتبه سندن احمد افندی یه تقویض بیورلمش و امر
 تحلیفی اجرا اولمشدور .

قسم غیر رسمی

قرق اتاج بدایت محکمه سندن ۱۰ تیسان
سنه ۳۰۵ تاریخی واون عددی ایله ویریلان
اعلامدن مابعد

صادر اولوب افتدی مومی الیهمانک وقوع
بولان مراجعتلرینه مبنی اسباب قانونیه دنطولای
تمیزاً نقض اولنان اعلام اوزرینه مدعی عمومی
حاضر بولندینی حالده محکمه مذ کوره جهتکار
جریان ایدن محاکمه و تدریقات نتیجه سنده حکمه اساس
اتخاذ قلنان کفالت نامه ده محرر اولدینی اوزره
مومی الیهما عبدالحجید و مصطفی افندیلرک کفالتلری
مومی الیه ابراهیم افندیلرک قولجیلقد بولندینی
مدتجه ذمته ایچیه کوررایسه انک تأدیه سنه منحصر
ایدوکی اکلاشلش و تحصیل ادعا قلنان ذمتک
ابراهیم افندیلرک وکاله مأمور صفتی حائز
بولندینی صروده ظهورایتدیکی تبیین ایتیش اولسنه
کوره کفیلان مومی الیهمانک ذمت مذ کورده دن
عدم مسئولیتلری طبعی اولدیغنه بناء مومی الیهما
عبدالحجید و مصطفی افندیلرک بو بایده بری الذمه

اولدیلرینه و دعوی واقعه نیک ردیه حیزر موضو-
عک فکته حکمدن و مستدعی تمیز دیون عمومیه
اداره سی وکیل عییکان افندیلرک اشبو حکم علیهنده کی
اعتراضاتنک باشلوجه سی محکمه تمیزک مقدمه کی
نقضی دعوی اموال دولته متعلق اولدینی حالده
اشنای محاکمه مدعی عمومینک بولندیرلما سی
قضیه سنه مستند اولسنه کوره بدایه یالکر بونواقص
قانونیه اکال ایدیلرک جهات سائر حقنده کی
حکمک ابقاسی لازم کلور ایکن بالعکس کفیلان
مومی الیهمانک عدم مسئولیتلرینه قرار ویرلسی
اصول محاکمه کلیاً مخالف بولندیغندن بحثله
اعلامک نقضی و مدعی علیهما عبدالحجید و مصطفی
افندیلرک نتیجه جوابی دخی حکم مذ کورک بولنده
اولدینی بیانیه تصدیق طلبندن و معاون مومی
الیهک بو بایده مطالعه سی کفالت واقعه نیک
قولجیلقد خدمته ظهور ایده جک ذمته منحصر
اولدینی بدایه بالتدقیق اکلاشلسنه کوره مومی الیه
ابراهیم افندیلرک مأموره وکالتی ائنده ظهور ایدن
ذمتدن کفیلان مومی الیهمانک مسئولیتلری
ایجاب ایتیه جکی بیانندن عبارت بولنمشدر .

ایجابی مذا کوره اولندقد تمیز اولنان اعلامک
نتیجه مفادی مومی الیهما عبدالحجید و مصطفی

بولی سنجاغنه تابع کرده قضاسنک صحت
قریه سی قوم غیر محصور اهالیسیله قضاء مذ کورک
حمزه بک و حلاجیر و سالور قریه لری قوم غیر
محصور اهالیسی بیئنده متحدث دعویاه دأر بولی
بدایت محکمه سندن ۹ مایس سنه ۳۰۹ تاریخی
ویش عددی ایله استینافاً صادر اولان اعلام
مذ کور صحت قریه سی اهالیسی طرفندن تمیز
اولنغله باش مدعی عمومیلک مأموریت علیه سنک
مطالعه نامه سی التقدیر صکره طرفینک اعتراض
و جواب لایحه لریله بالمطالعه تدریقات تمیزیه اجرا سنه
ابتدار اولندی .

اعلام مذ کورک خلاصه مائی مذ کور
حمزه بک و حلاجیر و سالور قریه لری اهالیسی
حیواناتنک موسم صیقه رعی و انتفاعلری
مخصوص مرعی اولدینی اهل خبره طرفندن
ویریلان راپور واجرا قلنان کشف و تحقیقاتله
ثابت اولان قرای مذ کوره جوارنده کائن معلوم
الحدود مرعایه مذ کور صحت قریه سی اهالیسنک
مداخله لرینک منعه دأر کرده بدایت محکمه سندن
صادر اولان اعلام علیهنده مذ کور صحت قریه سی
اهالیسندن سلیمان نام کسنه نیک وکیل نجیب افندی
واسطه سیله بولی بدایت محکمه سنه بالمراجعه استیناف

افندیلرک کفالتلرینه نظراً مومی الیه ابراهیم
افندیلرک قولجیلقد خدمته بولندینی برزمان
ذمتی ظهور ایدرایسه انک تضمین و ایفا ایدیله جکی
اکلاشلوب مومی الیهک مأموره وکالتی زماننده
ظهور ایدن اشبو ذمتدن کفیلان مومی الیهمانک
مسئولیتلری ایجاب ایتیه جکی بیانیه برائت لری
و حیزر موضوعک فکته حکمدن عبارت اولسنه
نظراً حکم مذ کور بولنده و قانونه موافق اوله رق
معاون مومی الیهک مطالعه سی شایان قبول اولدیغنه
و مستدعی دائرة مذ کوره وکیلنک بالاده محرر
اعتراضاتیه سائر اعتراضاتی نقض حکمی موجب
اسباب قانونیه دن اولدیغنه بناء اعتراضات واقعه نیک
ردیه اعلام مذ کورک تصدیقه وزیرده مفرداتی
محرر یوز الی بش غروش مصارف تمیزیه نیک
دائرة مذ کوره یه عائد اولق اوزره اول امرده
مومی الیهما عبدالحجید و مصطفی افندیلرک انسنه
۳۱ تموز سنه ۳۰۷ تاریخنده متفقاً قرار ویریلرک
تفهیم تلندی .

دعواسی اقامه اولدینی حالده يوم معينده نه اصيل ونه ده وكيل مومی الهك اجابت ايتامسنه مبنی غیابنده وكيل مسخر تعینله جریان ایدن محاکمه وتدقیقات نتیجه سنده منازع فیه مرعی بافرمان حالیشان مذکور حمزه بك وحلاجلر وصالور قریه لری اهاالیسنك حیواناتك رعینه مخصوص مرعی اولدینی اجتماع قلنان شهودك شهادتلیر ودفتر خاقانی قیودیه ثابت اولدیغندن مذکور یاقلایك اوتندن وصویندن دیگر قرا اهاالیسنك انتقاعی ممنوع بولمش اولسنه بناءً منازع فیه یاایلاقه مذکور صمات قریه سی اهاالیسی طرفندن وقوعبولان مداخله نك منعیله کافی السابق مذکور حمزه بك وحلاجلر وصالور قریه لری اهاالیسنك تصرف وانتقاعلرینه حکمدن ومستدعی تمیز صمات قریه سی اهاالیسنك اشبو حکم علیهنده لایحه لرنده محرر باشلوجه اعتراضی دعوائی واقعه حقنده ذی الیدلکک بالبنه اثبات اولنماسی ومحل منازع فیه حقنده کی فرمان عالیشانده اسمی محرر حمزه بك قریه سنك یاایلاقه سی طاپو ایله تصرفی ثابت ایکن قیود خاقانیده مقید حدودك اخراج ایدلکسزین شهود شخصی استماعیه یکیدن تحدید حدود ایدلسی مغایر قانون اولدیغندن بحکله اعلامك تقضی استدعاسندن ومدعی علیه حمزه بك وحلاجلر وصالور قریه لری اهاالیسنك نتیجه جوابی دخی

اعتراضات مذکور نك واهی اولدینی بیانیه ردی واعلامك تصدیقی طلبندن ومطالعہ نامه مذکور مالی حکم واقع تزویر وتصنیعدن سالم اولان قیود خاقانی وفرمان پادشاهی تصریححاتنه مستند واصول وقانونه موافق اولدیغندن اعتراضات واقعه نك موافق قانون اولدینی بیانندن عبارت بولمشدر .

ایجابی مذاکره اولدوقده اعلام مذکور مندرجاتندن مفهم اولدینی اوزره بدایه اقامه اولنان دعوی الی شخص علیه اولسنه واستیناف محکمه سنه مراجعت ایدن شخص دخی الی کشیدن بریسی بولمسنه نظراً ویریله جک حکم دخی استیناف ایدن شخصه مخصوص اولسی لازم کلور ایکن عموم صمات قریه سی اهاالیسنه تشمیل ایدلسی واساساً وقوعبولان دعوته اجابت ایتیمان مستأنف سلیمان وکیلی نجیب افندی اولدینی جهته ویریله جک حکمك اصول محاکمه حقوقیه قانوننك ماده مخصوصه سی موجبجه مرقوم سلیمانك موقه حق محاکمه دن سقوطندن عبارت اولسی لازم کلور ایکن خلاف قانون اوله رق مستأنف وکیل مسخر تعیین ایدلسی یولسز واصول وقانونه مغایر اولدیغنه بناءً اصول محاکمه حقوقیه قانوننك

ایکیوز قرق برنجی ماده سی موجبجه اعلام مذکورك تقضیه وقانون مزبورك ایکیوز قرق دردنجی ماده سی حکمنه توفیقاً کیفیتك بالرؤیه اعلامه ربطی ختمنده محکمه مذکوریه اعاده سنه وزیرده مفرداتی مرقم اوچوز طقسان ایکی بچق غروش مصارف تمیزی نك ایلروده حقسز چقه جق طرفه عائد اولق اوزره اول امرده مستدعی تمیز صمات قریه سی اهاالیسنندن استیفا سنه ۲۸ تشرین ثانی سنه ۳۱۱ تاریخنده متفقاً قرار ویرلدی .

اعتراض لایحه سیله بالطلب الیه تدقیقات تمیزیه اجراسنه ایستدار اولندی .

اعلام مذکورك خلاصه مالی مرقوم بقوص اغانك ماردیروس اغا واولادی ذمتنده بر موجب علم وخبر ومکاتیب مطلوبی اولان اوتوز عدد عثمانلی لیراسیله اوچیک التیوز غروشك محکمه تمیز اعلامی حکمنجه تحت حکمه التمسعی طلب ودعوی التمسعه قارشو مدعی علیه ماردیروس اغا دخی دعوائی واقعه نك رؤیتی حقنده مقدما اسکندرون بدایت محکمه سندن لاحق اولان اعلام وظیفه جهتندن طولای تمیزاً نقض ایدلمش اولسنه نظراً مطلوبات واقعه محاکمه ثابت اولمامش ایکن اعلام منقوضه مستنداً کندوسنك مالی اولوب محجوز اولان ایپک تخم لری نك قروختیله مطلوبات مذکور نك استیفا ایدلمش ایدوکنی مدافعه درمیان ایتمش ایسه ده اولاییده اجرا قلنان محاکمه وتدقیقات نتیجه سنده مطلوبات واقعه نك تأدییه اولدینی مدعی علیه مدافعه بیان ایتسی مبلغ مدعا بهک بورجی بولدینی اقرار واعتراف دیمک اولدینی کی مدعی طرفندن بوبابده ابراز ایدیلان اوراق دخی اقرار واقعی مؤید بولدینی جهته مدافعه مذکور نك ردیه مبلغ مذکورك مزبور

انطایکه نك صالحه محله سنده مقیم میساقیان ماردیروس اغا ایله اسکندرونك قسطل محله سنده مقیم شامیلان بغوس اغا بیننده تحدید دعوائیه دائر انطایکه بدایت محکمه سندن تجارت صفی و ۲۸ تموز سنه ۳۲۰ تاریخی ویکرمی ایکی عددی ایله ویریلان اعلام مرقوم ماردیروس اغا جانبندن تمیز ایدلکله اعلام مذکور مستدعینك

مادر دیروس انا ایله اولادندن تحصیلیه حکمدن
و مستدعی تمیز مادر دیروس انا نك اشبو حکم
علیهنده لایحه سنده مندرج اعتراضاتك باشلوجه سی
محکمه تمیز اعلامتك خلاصه سی ندن عبارت
اولدیتك اگلاشلی ضمنده اعلام میز به درج
و تمیزی لازم کاور ایکن درج ایدلماسی و تحت حکمه
التیمان مبلغ مدعا یك اپك تخمیرینك فروختی
صورتیله تسویه ایدلیدی حقدن کی دفعه اقرار
معنای ویرلسی بولسز و معایر قانون اولدیغندن
بخله اعلامتك نقضی استدعا سندن عبارت
بولمشدر .

ایجابی لدی الذاکره اعلام مذکور مالندن
منفهم اولدیغی اوزره اعلام میز بهك مقدما محکمه
تمیزجه وظیفه جهندن طولانی نقض اولدقدن
صکره اساس دعوی حقدن تکرار طرفینك
مخاکمه لری اجرا اولنهرق مدعیتك ابراز ایدلیدی
سند ایله مکتوبك مدعی عایهك امضای تحتده
اولوب اولدیتك تدقیقه تین ایدجك حاله
کوره اعطای حکم ایدلک لازم کاور ایکن اعلام
معترضك اجرا دائره سنه ابرازندن صکره مدعی
علیهك مالی اولان اپك بدلتك تخمیر مدعی به
تسلیمیه ایفای دین ایدلیدی حقدن مدعی دلیهك

وقوعبولان افاده سی عندالمحاکمه مبلغ مدعا بهی
اقرار مقامنده طوبیله رق علیه حکم ویرلسی
بولسز و معایر اصول و قانون بولمش اولدیغندن
اصول محاکمه حقوقیه قانونك ایکوز اوتوز ایکینچی
ماده سی موجبجه اعلام مذکورك قضیه قانون
مذکورك ایکوز قرق دردیجی ماده سی حکمه
توقیفاً کیفیتك یکدن بالرؤیه اعلامه ربطی ضمنده
محکمه مذکوره به اعاده سنه وزیرده مفرداتی مرقم
درتیوز طقوز بحق غروش مصارف تمیزیه نك
ایلروده حقمنز چیه حق طرفه رجوع ایتك
اوزره اول امرده مستدعی تمیز مادر دیروس
اغادن اتمسنه ۵ حزیران سنه ۳۱۲ تاریخنده
متفقاً قرار ویرلیدی .

دعویاه دائر استیناف حقوق قسندن ۱۰ تموز
سنه ۳۱۲ تاریخی و ۱۱۹ عددی ایله ویریلان اعلام
مرقوم اطناش طرفندن تمیز ایدلماسکله باش مدعی عمومیلک
مأموریت علیه سنك مطالعه نامه سی الندقدن صکره
اعلام مذکور مستدعیتك اعتراض لایحه سی
و مدعی علیه مادن نظارت مشار الیه نك جواب
لایحه سیله برلشدیریلرک بالطالعہ تدقیقات تمیزیه
اجرا سنه ایتدار اولدی .

اعلام مذکورك خلاصه مالی مزبور
اطناش تحصیلدار جمال افتدینك ذمتنه کفیل
اولان مرقوم نیتولانك مالی ظنیله مالک اولدیغی
لیجون اسکله سنده کائن یکریمی یدی و ایازمه قیوسنده
یشیوز نومرولی دکانلر درونسند بولنان اموال
واشیای واقعه و سائر نظارت مشار الیه وکیلنك
طلب واستدعای اوزرینه اجرا مأموری معرفتیه
تحت حجزه النمش ایسده اشیاء مذکوره کندوسنه
عائد اولوب بورالرده کفیل مرقومك برکونه علاقه
و مدخلی اولدیغندن حجز کورك فکیله نقود
محجوز سنك مع فاض و مصارف محاکمه طرفنه
اعاده سنی دعوی ایتیمی و نظارت جلیله وکیل دخی
مدعی به قارشو نظارت جلیله به خصوصت توجه
ایتمه چکنی مدعی طرفندن ابراز ایدیلان اوراق

معمد به اوراقندن اولدیغندن مدعیتك رد ادعاسنی
طلب ایتیمی اوزرینه جریان ایدن محاکمه و تدقیقات
نتیجه سنده مدعی اطناش طرفندن ابراز اولنان
اجبار مقاوله نامه سیله رسمی تذکره مندرجاتنه
نظراً مذکور یکریمی یدی نومرولی دکان مزبور
اطناشك تحت استیجارنده بولدیغی کی بشیوز
نومرولی دکانك دخی اوسته سی اولدیغی اگلاشلی
و بوضورتله مدعیتك مذکور دکانلره و درونسند
بولنان امواله وضع یدی اصولاً ثابت و بویسه
اثباته کافی درجده بولنوب طاجز بولنان نظارت
مشار الیه وکیلنك ایسه اموال محجوز نك محجوز
علیهك ملک ایدوکنه دائر برکونه حجت و اوراق
ابرار ایدمامش اولدیغندن اصول محاکمه حقوقیه
قانونك ایکوز یتش برنجی ماده سی موجبجه
حجز واقعك فکیله محجوز به اولان اون ایکی
بیک ایکوز یکریمی بر غروشك فاضیه برابر
عدلیه وزنه سندن بالتحصیل مدعی اطناش اعاده
واعطاسنه دائر در سعادت بدایت محکمه سی برنجی
حقوق دائره سندن ویریلان اعلامك عندالا
ستیناف فسخیه جریان ایدن محاکمه و تدقیقات
استینافیه نتیجه سنده مستأنف علیه اطناش تحت
استیجارنده بولمش اولان لیجون اسکله سنده کائن
یکریمی یدی نومرولی دکانده موجود اموالک

صرف گندی مالی ایدوکی وایازمه قیوسنده واقع بشیوز نومرولی دکانده مدخر اموال واشیلانک دخی مملکتته کیدن پدیری یوان طرفندن ودیعه کندوسنه تسلیم قلندیغنی درجه اولی محکمه سته اعطا ایلدیکی غرضالنده بیان وادعا ایلدیکی حالده عندالحاکمه مرقوم اطناشک وکیلی اموال مذکورده پدیری یوان ایله موکلی یئنده شرکت مضاربه صورتیه مشترک اولدیغنی درمیان اتمسی یکدیگرینه میان و مناقض اولوب بوحال دعوای مذکورده مستأنف اولان نظارت جلیله عدلیه دن اموال محجوزه بی قاجر مق فکرله تصنیع اولدیغنه دلیل کافی ایدوکنه بناء حجز موضوعک تصدیقنه و مرقوم اطناشک نقود و اموال محجوزه مذکوریه واقع اولان مداخله سنک منعه حکمدن و مستدعی تمیز اطناشک اشیو حکم علیهنده لایحه سنده محرر اعتراضاتک خلاصه سی منازع فی یکر می یدی نومرولی دکانی حجزدن مقدم رسمی مقاوله ایله استیجار ایلدیکی کبی بشیوز نومرولی دکانک دخی اوسته سی اولدیغنی رسمی تذکره ایله ثابت اولوب بدایه اشیای محجوزه نک کندوسنه عادیته قرار ویرلش و عند الاستیناف شرکت مضاربه اولدیغنی خقنده ویریلان ایضاحات اوزرینه تناقض وقوع بولدیغنه ذهابله بوجه محرر حکم ایدلمی یولسز

ومغایر قانون اولدیغندن بحثله اعلامک نقضی استدعاسندن ومدعی علیهم ادن نظارت مشار الیه وکیلک لایحه سنده مندرج نتیجه اجوبه سی ایسه اعتراضات مسروده نک واهی و بی اساس اولدیغنی باینلیه ردی و موافق اصول و قانون اولان اعلامک تصدیق طلبندن و انف الیه بیان مطالعه نامه مالی ایسه لایحه تمیزی ده درمیان اوانان اعتراضات قرار محکمه بی نقض ایدر اسبابدن کوریه مدیکندن ردی لازم کله جکی بیانندن عبارت بولمشدر .

ایجابی مذاکره اولندقدده اعلام مذکور مطالعه سندن اکلانشادیغنی اوزره مستدعی تمیزک استینافاً و قوعبولان ادعا سنده تناقض بولندیغنی جهته رد ادعا سیله حجز واقعک تصدیقنه قرار ویرلش ایسه ده محکمه مذکورده جه تناقض وقوعک مستدعی به تفهیمیه مجله جلیله نک بیک الی یوز الی یدنجی ماده سی حکمنه توفیقاً مستدعی تمیز کلامینی بئنده کی تناقضی توفیق ایلدیکی صورته محاکمه به دوام اولمق و توفیق ایده مدیکی صورته دعواسنک ردینه قرار ویرلشک و بو صورتی یعنی توفیق ایده بیلوب ایده مدیکی اعلامده درج و تحریر ایلک لازم کلور ایکن بونقطه ده تدقیقات اجرا قلمی برق همان رد ادعا به قرار ویرلسی یولسز و مغایر

قانون اولدیغنه و مستدعینک اعتراضی دخی شایان قبول بولندیغنه بناء اصول محاکمه حقوقیه قانونک ایکی یوز اونوز ایکنجی و ایکوز قرق برنجی ماده لری موجبیه اعلام مذکورک نقضیه قانون مذکورک ایکوز قرق دردیجی ماده سی حکمنه توفیقاً کیفیتک صور محرره وجهله اعلامه ربطی ضمننده محکمه مذکوریه اعاده سته وزیرده مفرداتی مرقم دریموز سکسان الی بحق غروش مصارف تمیزی نه نک ایلروده حقمنز حقیقه حق طرفه رجوع ایتک اوزره اول امرده مستدعی اطناشندن النسخه ۱۰ نیشان سنه ۳۱۳ تاریخنده متفقاً قرار ویرلدی .

۱۲ تشرین ثانی سنه ۳۱۲ تاریخی و ایکوز اون سکر عددی ایله ویریلان اعلام مرقوم نیقوله طرفندن تمیز اولمغله طرفینک اعتراض وجواب لایحه سیله بالمطالعہ تدقیقات تمیزی به اجرا سته ابتدار اولندی .

اعلام مذکورک خلاصه مالی مرقوم نیقوله متصرف اولدیغنی معلوم الحدوده ایکی باب خانه سیله تحتند کائن براب دکاتی برقطعه مصدق سند موجبیه مزبوره اوانتیه قادیندن استقراض ایتدیکی ایکی یوز عدد عثمانلی لیراسنک تأمین ایچون صورتاً قطعی و حقیقته وفا اولمق اوزره مزبوره اوانتیه قادینه فراغ ایتش و شمعی به قدر مبلغ مذکورده محسوباً برخیلی تسلیماتی و قوعبوله رق لدی الحسب ظهور ایدن جزئی بورجی ایفایه حاضر بولنش و منازع فی خانه لره دکانک اعاده فراغی حقنده مکرراً اخطار آنده دخی بولنش ایسه ده مزبوره موافقت ایتامش اولدیغندن املاک مذکورک استرداد و ایجاب ایدن اچه عدلیه وزنه سته دیوو زیتو ایدیلرک اولبابده کی فاضک قطعی خصوصنک تحت حکمه النسخی در سعادت بدایت محکمه سی برنجی حقوق دائره سته مراجعتله طلب و دعوی و تنویر مدعا ضمننده مجبوت عنه

صمائیده نازی قبوده قرق الی نومرولی خانه ده ساکنه اوانتیه قادین بنت استاوری ایله بلاطک لونجه محله سنده درت نومرولی خانه ده مقیم میخانه جی نیقوله زخاریادی بئنده مشکون دعوا به دار محکمه استیناف حقوق قسمندن

سندی محاکمه ابراز واعطا ایتیمی و لاجل المحاکمه
وقوعبولان دعوت مدعی علیها اوانتیه قادیانک
اجابت ایتامسی اوزرینه غیابنده تعیین قلنان وکیل
مسخر حضور یله جریان ایدن محاکمه و تدقیقانه
رهن ایله تأمین ایدیلان بوکی بر دینک تماماً
ایقاسی حالده مرهونی استرداد راهنک صلاحیتی
اوله جغی مجله نک یدی یوز اوتوز برنجی ماده سی
اقتضاسندن بولنش اولدیغندن بقیه دین اولان
قرق التی لیرا یتش ایکی غروشک ایجاب ایدن
فائضیه مدعی نیقوله طرفندن اجرا وزنه سینه
ویا خود مزبوره اوانتیه اعطا قلندیغنده مذکور
خانه لرایله تحتند کان دکانک مرقوم نیقوله عهده سینه
اعاده فراغه مزبوره اوانتیه قادیانک مجبور
طوتلینه دائر محکمه مذکور دن صادر اولان
اعلام غیابی علیه مزبوره اوانتیه قادیان طرفندن
اعتراض ایدیلکله و جاهاً جریان ایدن محاکمه
املاک مذکور ایکی قطعه سند حاقانی موجب
بدلی مدفوع مقابلنده باذن متولی کندوسنک
عهده سینه قطعاً فراغ اولنش و وجودندن بحث
اولنان مذکور مواضعه سندی ایسه اخیراً ویرلش
بوکی شرط لاحقک عقد اوله ملحق اوله میه
جغی حکم قانون اقتضاسندن اولدیغندن و مذکور
سند اولیابده کی عقد اولک نقاذینه خلل کتور مامک

بولنان املاک مذکور بی مزبوره عهده سینه فارغ
اولدینی و سندن مذکورده محرر اولان مقاوله
ایجابیه ادای دین ایدر ایسه مستأنفه نک اعاده
فراغه مجبور اوله جغی محرر بولنش و بو صورتی
مستأنف علیهم محکمه مذکور یه اعطا ایدیلکی
عمر خالده تحریراً افاده و اقرار ایتش ایکن بدایت
محکمه سنجه بوکا مواضعه دعواسی نظریله باقیله رق
استماعته قرار ویرلشی مجله نک یوزنجی ماده سینه
مخالف بولدیغنه بناء اصول محاکمه حقوقیه
قانوننک یوز طقسان التجی ماده سی موجب
اعلام مستأنف بیک فسخته و مجله مذکور نک
بیک التی یوز الی اسکرنجی ماده سی حکمنه
توفیقاً مرقوم نیقوله نک معارضه دن منعه حکمدن
و مستدعی تمیز نیقوله نک اشبو حکم علیه نه
لایحه سنده محرر اعتراضنک خلاصه سی کندوسی
مزبوره اوانتیه قادیانک استقراض ایلدیکی مبالغه
بر قسمتی تأدیه ایدرک مقابلنده علم و خبرلر المش
واساس دعوی قصور دینک اخذیه مذکور
خانه لرله دکانک اعاده فراغه متدائر بولنش
اولدینی کی اولیابده کی مواضعه سندی مقاولات
محرر لکندن مصدق اولدینی کی عندالاستیناف
مجله نک تطبیق اولنان موادی ایسه دعوی
حاضر یه شمولی اولدینی حالده استیناف محکمه سنجه

بورالینک نظر اعتباره التخصمین منع معارضه یه
قرار ویرلشی یولسز و مغایر قانون اولدیغندن
مجله اعلامک نقضی استدعاسندن و مدعی علیه
اوانتیه قادیانک لایحه سینه مندرج نتیجه اجوبه سی
ایسه اعتراضات مسروده نک واهی و بی اساس
اولدینی بیانیه ردی و موافق اصول و قانون اولان
اعلامک تصدیق طلبندن عبارت بولنشدر .

ایجابی مذاکره اولدقدده مندرجات اعلامه
نظراً محکمه استینافیه به مجله نک بیک التی یوز الی
سکرنجی ماده سی موجب مستدعی تمیزک منع
معارضه سینه قرار ویرلش ایسه مستدعی تمیزک
دعواسی ماده مذکورده کوسترلدیکی وجهله
قبل مجرده مستند اولیوب مدعی علیه یکنده
بولنوب محکمه ابراز ایدیلان و مقاولات محرر
لکندن مصدق اولان سنده مستند اولسینه و بو
مقوله مرجع مخصوصندن مصدق اولان و حکمی
تزویر تصنیعدن سالم بولنان سنده مستند فراغ
بالوفا دعوالرینک قبول و استماعی لازم کلور ایکن
عندالاستیناف بورالینک نظر اعتباره التخصمین
عدم مسوعیتنه قرار ویرلشی یولسز و مغایر قانون
اولدیغنه و مستدعینک اعتراضی دخی بوجهته
متدائر اوله رق شایان قبول بولدیغنه بناء اصول

محاکمه حقوقیه قانونك ايكوز اوتوز ايكسجی
ماده سی موجباً اعلام مذکورك نقضیه قانون
مذکورك ايكوز قرق دردیجی ماده سی حکمنه
توفیقاً کیفیتك صور محرره دائره سنده اعلامه
ربطی ضمننده محکمه مذکوره به اعاده سنده وزیرده
مفرداتی مرقم اوچوز یتش اوچ بچق غروش
مصارف تمیزیه نك ایلروده حقسنر چقه جق طرفه
رجوع ایتك اوزره اول امرده مستدعی
مرقومدن النسنه ۱ مارت سنه ۳۱۳ تاریخنده
متفقاً قرار ویرلدی .

بصره ولایت جلیله سنه تابع شط العرب
تأجیه سنده واقع جزیره القصر اهالیسندن نصار
الصکر ومتوفی عبدالعزیز القصرک اولادی زید
وملیس ومحمد وضاحی ومخفی وعبدالکریم
وسعود ومتوفی غالبک اولادی عبدالواحد
وعبدالرزاق ایله مالیه خزینة جلیله سی بینده
متحدث دعویه دائره بغداد استیناف محکمه سنه
۲۷ ایلول سنه ۳۱۱ تاریخی و اوتوز بر عددی

ایله صادر اولان اعلام مرقوم نصار الصکر
وطقوز فقر رفقاسی طرفندن تمیز اولمغله باش
مدعی عمومیک مأموریت علیه سنك مطالعه نامه سی
الندقدن صکره اعلام مذکور یالکر اعتراض
لایحه سیله بالمطالعه تدقیقات تمیزیه اجرا سنده ابصار
اولندی .

اعلام مذکورك خلاصه مالی خزینة جلیله
ایله مرقوم نصار الصکر ورفقاسی بیننده منتك
لواسته تابع سوق الشیوخ وتوابعی مقاطعه سنك
طقسان درت سنه سی بقایاسندن طولانی تحدث
ایدن الاجق دعوا سنده دائر بصره بدایت محکمه
سندن صادر اولان اعلام علیه مرقوم نصار
الصکر ورفقاسی طرفندن محکمه مذکوره به
بالمراجعه اقامه اولنان استیناف دعوا سنك قبولیه
حکم ابتدائیک اجرای موقتة دائر اولان فقره سی
حقنده طرفینك اجرای محاکمه سندن مستأنف
علیه اولان خزینة وکیلنك طلب واستدعاسی
اوزرینه شرائط استینافیه حقنده تدقیقات اجرا سنده
بالمبادره استیناف استدعاسی موافق قانون اوله رق
تنظیم ایدلیدی کی مرقوم نصار الصکر ورفقاسنك
ابراز ایتش اولدقاری وکالتنامه ده عاقدینك صفی
ذکر ایدلیدی جهتله شایان قبول اوله مدیغسنه

ومدت استینافیه نك گذرانندن ناشی یکیدن اکیال
شرائطه دخی محل قالماسنه مبنی مرقوم نصار
الصکر ورفقاسی طرفلرندن اعطا قلنان استیناف
استدعاسنك ردینه قرار ویرلدیکندن ومستدعی
تمیزلرک اشبو اعلام علیه منده باشلوجه اعتراضی
ابراز اولنان استیناف استدعاسی شرائط استینافیه
نك جمله سنی حائز اولدینی حالده خود بخود
استدعای مذکورك ردی طرفه کیدلسی مغایر
قانون اولدیغندن بحثله اعلامك نقض استدعاسندن
ومطالعه نامه مذکور مندرجاتی دخی استیناف
دعوا سنك قبولیه طرفین مواجهه سنده اساس
دعوا نك محاکمه سی اجرا و ختام محاکمه دخی تفهیم
اولندقدن صکره اخیراً تعیین ایدلش اولان خزینة
وکیلنك مذکورسی اوزرینه قبولی تحت قراره
النان استیناف استدعاسنك ردی جهتله توسل
اولمسی قرار واقعه مابین اولمق اعتباریه مغایر
قانون احوال دن بولنش اولدیغندن بحثله لایحه ده
درمیان ایدیلان اعتراضك موافق قانون اولدینی
بیانندن عبارت بولنمشدر .

الحاجی مذاکره اولندقدن اعلام مذکور
مندرجاتندن منضم اولدینی اوزره دعوی واقعه
حقنده لاحق اولان حکم ابتدائی علیه مرقوم

نصار ورفقاسی طرفندن اقامه اولنان استیناف
دعوا سنك قبولیه اجرای موقت حقنده طرفینك
محاکمه سی بالاجرا ختام محاکمه تفهیم اولندقدن
صکره اخیراً خزینة وکیلنك ویرمش اولدینی
مذکره اوزرینه استیناف استدعاسنك ردی جهتله
کیدلسی یولسز و اصول و قانونه مغایر اولدیغندن
اصول محاکمه حقوقیه قانونك ايكوز قرق
برنجی ماده سی موجباً اعلام مذکورك نقضیه
قانون مزبورك ايكوز قرق دردیجی ماده سنده
توفیقاً کیفیتك یکیدن بالرؤیه اعلامه ربطی ضمننده
محکمه مرقومه به اعاده سنده وزیرده مفرداتی مرقم
اوچوز سکسان بش بچق غروش مصارف
محاکمه نك ایلروده حقسنر چقه جق طرفه رجوع
ایتك اوزره اول امرده مستدعی تمیز نصار الصکر
ورقاسندن اخذیه ۲۸ اغستوس سنه ۳۱۲
تاریخنده متفقاً قرار ویرلدی .

قسطمونی به تابع قوزیقه ناحیه سنک کورتشه
قریه سنده ساکن حاجی علمدار زاده حاجی حسین
اغا ایله قریه مذکورده مقیم صاری امیر اوغلی
مصطفی یننده متحدت دعوائیه دائر قسطمونی
بدایت محکمه سندن ۸ اغستوس سنه ۳۱۰ تاریخی
واوتوزیدی عددی ایله صادر اولان اعلام مرقوم
حاجی حسن اغا طرفندن تمیز اولمغله طرفینک
اعتراض وجواب لایحه سیله بالمطالعہ تدقیقات
تمیزیه اجراسنه ابتدار اولندی .

اعلام مذکورک خلاصه مالی مرقوم
حاجی حسن اغانک کورتشه قریه سندن مورود
مضبطه موجبجه باطابو متصرف اولدینی قریه
مذکورده کائن حاجی ابراهیم ترلاسی دیملکه
معروف معلوم الحدود برقطعه ترلایه مرقوم
مصطفی طرفندن وقوعبولان مداخله نك منعی
طلب ودعوی وبرقطعه دفتر خاقانی علم و خبری
ابراز واعطایتمسته قارشومدعی علیه مزبور مصطفی
دخی منازع فیه ترلا کندوسنک اولیوب برادرینک
اولدینی وبرادریده صادق بک نام کمنهیه صامش
ایدوکی وکندوسی مداخله ایتدیکنی مدافعه
درمیان ایش ايسده محکمه مذکورده جه مذکور
مضبطه جلب ومطالعہ ایدلدکن صکره اجرا

قلنان محاکمه وتدقیقاتی نتیجه سنده مرقوم حاجی
حسن اغا ذکر اولنان ترلائی مدعی علیه مصطفانک
اوچوز غروش بدل ایله کندوسنه فارغ اولدینی
حقنده کی ادعاسنی اثباتدن اظهار عجز ایله طالب
مابعدی وار

اعلان

حطب قبوسنده اسکمله جی اصنافدن اوزون بویلی
چاقر کوزلی قرال بیقلی تراش صقاللی یوکسک
برونلی ضعیف یوزلی اوفق چکلی قصاب اوغلی
لاز علی بن حسین آلان اله کچوریله مامش اولد
یغندن اصول محاکات جزایه قانوننک اوچوز
یتیش برنجی ماده سنه توفیقاً قانونه اطاعتله محکمه یه
کلک اوزره تاریخ اعلاندن اعتباراً فراری مرقومه
جانب ریاستدن اون کون مهل ویرلش اولمغله مدت
مذکورہ ظرفنده محکمه یه کلدیکی حالدله قانونه
اطاعت ایتامش نظریله باقیله رق محاکمه سی غیاباً
بالاجرا حقوق مدنیهدن اسقاط واموالی حجز
ایدیله جکی وبوانشاده مرقومک اقامه دعوائیه حق
اوله میه جکی کبی مرقومک بولندینی محلی بیلنر
خبر ویرمکه وبالجمله ضابطه عدلیه مأمورلرینک
مرقومی دردست ایتکه مجبور بولندقلری بیانیله
اعلان کیفیت اولندی .

۳ حزیران سنه ۳۱۴

اوچوز اون ایکی سنه سی تموزینک ایکنجی
صالی کیجه سی ازمد سنجاغنه تابع قدره قضاسنک
آغوه ناحیه سنک دیک بو جاقلی قریه سندن بو طبعی
اوغلی صالح قبودانک خانہ سنی باصهرق نقد

موجودیله اشیاسنی اخذ وغصب و اوصرده مرور
ایدن امام اوغلی ابراهیمی قتل ایتک کیفیتندن
دولایی مظنون اولوب حاک فرارده بولان
ودرسعادت هیئت اتهامیه سندن بالاتهام حقنده
اخذ گرفت مذکره سی ویرلش اولان اوزون
بویلی قره بیقلی طیفنازجه وجودی تخمیناً اوئوز
بش یاشلرنده ریزه لی علی آلان اله کچوریله مامش
اولدینندن اصول محاکات جزایه قانوننک
اوچوز یتیش برنجی ماده سنه توفیقاً قانونه اطاعتله
محکمه یه کلک اوزره تاریخ اعلاندن اعتباراً فراری
مرقومه جانب ریاستدن اون کون مهل ویرلش
اولمغله مدت مذکورہ ظرفنده محکمه یه کلدیکی
حالدله قانونه اطاعت ایتامش نظریله باقیله رق
محاکمه سی غیاباً بالاجرا حقوق مدنیهدن اسقاط
واموالی حجز ایدیله جکی وبوانشاده مرقومک
اقامه دعوائیه حق اوله میه جکی کبی مرقومک
بولندینی محلی بیلنر خبر ویرمکه وبالجمله ضابطه
عدلیه مأمورلرینک مرقومی دردست ایتکه مجبور
بولندقلری بیانیله اعلان کیفیت اولنور .

۳ حزیران سنه ۳۱۴

عثمان ومصطفیٰ افندیلرک بااعلام نظامی
طومه و دیمتری دمتلرنده مطلوبی اولان مبالغک
تأمین استیفاسی ایچون مرهون وفروختی محکوم
بولنان نور عثمانیه جامع شریفی قربنده واقع
تخمیناً سکسان ارشون عرصه اوزرینه مبنی فوقانی
وتحتانی اوج اوطه و مشتملات سارهی و تحتند
سلطانیی حاوی شهری اوجیوز غروش کیرا
کتوزر مقدا اشجی الیوم قصاب دکانی کدکنک
ربع حصه شایعه سی بالمزایده لیرا یوز غروش
حسابیله بشیک التیوز غروشدی طالبی عهده سنده
تقریر ایدرک موقتاً قرار داده سی کشیده قلنمش
اولدیغندن یوزده بش ضم ایله طالب اولنلرک
ودها زیاده معلومات المق ایستیانلرک تاریخ
اعلانن اعتباراً اوتوز برکونه قدر بی اچقه لریله
برابر درسعادت اعلامات نظامیه اجرا دارمسنه
مراجعت ایملری اعلان اولنور .

۲۳ مایس سنه ۳۱۴

متولی امین الفتوی سماحتلو حاجی محمدنوری
افندی حضرتلرینک یوسف اغا وزلیخا خانم
دمتلرنده قسمت عسکری محکمه سندن ویریلان
برقطعه اعلام شرعی موجبیه الاجفی اولان مبالغ
معلومه نک تأمین استیفاسی ضمتنده مرهون
وفروختی محکوم بولنان چنک قریه سنده قالدیرم
یولی موقعی نام محله واقع سکر نومرو ایله مرقم
بالجمله کروم و ابنیه سی ملک اون درت دومه مقداری
برقطعه باغ بوندن اقدم مزایده یه قونیلهرق لیرای
عثمانی یوز غروشدن سکر بیک غروش بدل ایله
طالبی اوزرنده تقرر ایتمش اولدیغندن یوزده بش
ضمیله بوندن دها زیاده یه طالب اولنلرک اشبوتاریخ
اعلانن اعتباراً اوتوز برکون ظرفنده درسعادت
اعلامات شرعیه اجرا دارمسنه مراجعت
ایملری .

فی ۱ حیران سنه ۳۱۴